

榆次縣志卷二

城市攷

榆次交通頻繁人事複雜民國以來官署衢巷均有變遷城郭雖仍明清之舊而修建亦各以時藉資保障古人謂在德不在險固不敢恃爲金湯也茲述其梗概於左

城郭

榆次縣城戰國時已有之省志謂築於漢蓋未審耳然自漢以來營立廢徙遠不可考隋文帝開皇初改北齊中都縣仍爲榆次縣乃徙縣於漢故城東北隅更爲新城則今縣城所由始也城初築以土周五里高三丈基廣四丈上廣二丈池闊與高等深

榆次縣志

卷二

城市攷城郭

一

半之爲門三上建樓櫓歷唐宋遼金元經史思明僕固瑒李克用及女真蒙古圍攻者數然舊制具存

明景泰元年卽舊城地基加闊三十步池深八尺仍爲三門東曰迎曦南曰觀瀾北曰望嶽

成化十九年知縣趙縉增築二十三年知縣梁琮重修始甃以甃石鐵裹其門並沿池植柳以護之

嘉靖二十年俺答入寇知縣李鵬與邑人致仕知府寇天與督工修葺數月工竣視舊城增高五尺廣一尺撤土障悉易以甃增置敵臺二十角樓四警鋪十六池外復列垣爲蔽二十五年城南樓燬於火知縣俞驚毀淫祠撤其材以重建仍新其三門視

舊城更增堅壯

隆慶元年知縣董三遷重修增置敵樓二十六警鋪十二據錢志

萬歷三十二年知縣史記事以居西者農作遠遠風氣障抑乃復

開西門築甕城樓與三門等名其門曰帶汾甕城顏曰來鳳後

改鳳朝三十三年知縣王應楫繼成其役額城樓曰夕餞先是

門闢而大道未通應楫捐金易民宅為廣衢闔閭洞達至今便

之

按張國儒史記事生祠記云縣有西門虞虜患塞久矣侯因士民請役興而民不擾築甕城城門南向以逐鳳山之秀上建樓七楹塞者復通往來甚便是西門之闕不自記事始也而褚志謂城止三門府志稱景泰元年修城其門亦三則似舊止有三門者不知國儒何所據而云然直至同治修志仍以疑傳疑未由訂正晚近西門之北垣因雨水漂劫塌出拱門完好如初蓋即國儒所稱久塞者也吾榆撰志起自有明西門之闕意必當唐宋之際西門之塞亦當在史思明僕固場李克用女真蒙古圍攻之時靖康以後地為金元所據迄明初歷二百餘年故知甚鮮舊乘未考

榆次縣志

卷二

城市攷城郭

二

遂付闕如也

天啓三年知縣胡權重修邑人給事中張國儒記之略云

匠役工費不煩都里權捐三百金以給之使主簿李復允

司其事復允明堪輿術以城東南隅為文峯特建一樓置巨鐘於上擊聲遠播為邑中科第風水資

崇禎七年知縣任濬環城穿壕深數仞十三年知縣韓如愈重修

各門城樓

清順治六年城東樓災知縣楊三知重修故明御史張養為碑記

之

康熙二十二年靈雨壞東城數十丈知縣劉星重葺之四十年知

縣王亦宣修東門甕城六丈

雍正六年知縣鄒雙修城樓與角樓

乾隆十四年知縣錢之青修西城壞牆四丈餘

嘉慶十九年知縣楊棟秀以修文廟餘貲補修南城垣十餘丈

道光元年縣令顧麟趾補修周垣並重新各門譙樓與四隅戍樓

又於望捷樓之東建一鐘室工未竣而顧去後任呂錫齡踵成之

咸豐三年粵匪竄至平陽各縣俱辦防堵縣令陳曜圖以城東南西南二隅與關城毗連可蟻附而上乃各增高八尺

中華民國四年朱縣長鴻文以城垣年久失修磚甃崩頽板櫓坍塌當即就地籌款飭邑紳趙鶴年等督工補修五年秋工竣十一年張縣長敬顯倡議重修北敵樓並各角樓十四年復修南

榆次縣志

卷二 城市攷城郭

三

敵樓十九年國民黨縣黨部建議拆毀北門甕城舊有真武廟在甕城北面並拆去而於城之東北隅別闢一門顏曰交通二十年戈縣長芾棠屬邑紳楊鼎亨郝聆督工修補北城垣二十二年又修補南城垣十八丈先是北門內地勢低窪雨後積水行人苦之乃於北垣鑿水門使外泄而甃道以石舉人趙鶴年

記其事

粵稽城邑以居肇自黃帝所以建都立邑分土授民平時則以之資保障者也榆次今城叔始隋開皇間呈霜久歷歲而頽經時有破壞迭為修補邑乘

所載詳哉言之逮至民國紀元鶴年由贛歸來與聞縣政巡視城垣殘缺不全觸目皆是爰於四年聯合邑人商承縣長籌款興工甃甃築土凡殘缺者略完整矣嗣於十一年十四年又將南北城樓並各角樓逐漸修理新其土木飾以丹青大致亦頗有可觀矣惟是公共處所破壞易而建設難幾成通例殊堪深憾焉十有九年縣中人士以地方人事較前繁多北門甕城頗為障礙遂拆去之迨東別開一門顏曰交通為車馬往來孔道亦稱便利逾年舊甕城東牆傾圮十數丈縣長戈公屬楊君鼎亨郝君聆督工補修自二十年六月經始閱兩月而工竣復於北門對向結構一亭以存採風古蹟而城復完整且增一新建築物也近來時事日新或有倡議拆城如天津上海故事者而兵事上之經驗如河北之涿州湖北之武昌山西之大同遼縣均以有城防而獲保

全是城之建設亦不盡為無用也至修城工料費用未請官帑未捐民資悉以地方公款給之收支數目縣政府財政局有案可稽茲不贅述焉中華民國二十一年秋邑人趙鶴年記

南關城舊為土築起於明嘉靖二十一年周五百四十七丈高一丈九尺廣一丈二尺池闊二丈深丈餘先是俺答至城下大掠十日關民數千家半被焚戮當道憫之檄知縣李鵬創建土城三面與大城聯絡以資保障四十一年蕭大亨為令以土城低矮不足資捍禦欲甃以甃因遷官不果萬歷二十一年知縣徐守謙請於上憲時蕭公大亨方以大司馬出鎮宣府大同亦檄令甃甃並先增高土城未幾徐奉調張鶴騰繼之悉易以甃周六百五十三丈高三丈基闊二丈五尺上闊一丈八尺置敵臺十二高與城等池外列垣高五尺為門三各建樓於上匾其南

榆次縣志

卷二

城市攻城郭

四

曰萬春左曰東作右曰西城邑人褚鈇為文記之

徐君宰縣事議以榆邑去邊塞不遠關城

與縣城連若關城破縣城不能獨存然以一關之故而勞一縣有所不忍縣有民壯四百八十三名每名工食銀六兩二錢半赴邊修守半留縣歇役若以歇班工食扣留修理歇役暫令歸農則三歲可得銀二千六百有奇若以一千三百兩買甃以二百三十兩買灰以七十八兩買石以四百六十兩給匠役搬運工食約用夫一千餘名車三千餘輛牛取諸有力之家以三十丁朋當一名則用人力歲不過一日而關城可完遂委縣丞張之雍等先增高土城功未完而調去張君鶴騰繼之張君見邊方多事警報日聞三年成城恐不及待查得庫儲保德倉本色餘銀若權借七百餘兩預備甃石俟扣民壯工食補還則一年可完二年之功於官無損於事有濟乃請於上官許之復委縣丞趙啓後董馬不及二年工竣

史記事蕭大亨南關生祠記云榆次南關之城土築而矮不足捍禦蕭公每欲甃甃以遷官不果及公節鎮雁門制閩雲朔免次榆成邊之資儲治材物復免榆次士卒之戍邊者使襄其役於是崇墉列堞邑人倚為長城

清康熙二十二年地震壞雉堞知縣劉星葺之四十年西面圯堞

口四十餘丈知縣王亦宣修之

雍正十一年城壞知縣石鑑重修

乾隆十三年知縣錢之青復修西垣牆十二丈六尺

中華民國十四年冬樊鍾秀擾晉遼縣被圍縣境與遼和接壤城防緊要邑紳趙鶴年等督工補修遂歸完整十六年關民張穢等以小西門城樓圯廢募款重修十七年南關街長鄭思孝等於郭門內建蓄水池二池內植柳百二株成材後半作修池費用半充南關學校經費池俱正方形邊各十丈深一丈四圍以甃石砌之

公廨 廢署附

縣署 爲宋并州守署之遺在城中央稍西南舊時大門三楹榜曰榆次縣又榜其楣曰晉藩首輔前明晉王封國太原以縣擬

榆次縣志

卷二

公廨 五

三輔故云今改建洋式門面顏曰榆次縣政府門東南爲思鳳樓相傳爲文潞公築上列鐘鼓以司晨昏明祭酒閣樸有記下爲賓賓館後改役舍民國七年改闢閱報室今廢迤北爲稅課亭爲土地祠後移祠於西改建關帝廟今爲看守所其移西之土地祠後爲獄祠左右爲役舍今併爲監獄署迤東轉北爲儀門榜曰古并州治內建聖諭牌坊左右列六曹左三曹今爲徵收糧賦處右三曹歸併監獄署正北爲大堂榜曰牧愛民國十一年改顏法庭東西爲庫房再東爲鄴侯祠田賦稽核處在焉堂後左爲永益庫右爲聽事舍中爲宅門門內有古槐二株民國十一年伐去東爲門房西爲花亭亭內正廳三楹爲知縣會

客之所二堂舊榜曰思補後改顏懸鑑涵冰又內爲三堂榜曰思鳳後改優學簽押房在焉民國十八年改建會議室再內爲知縣寢室是爲四堂最後爲五堂舊時廳九楹甚宏敞今止存三楹優學堂西偏舊有槐月軒冰雪堂半憩亭後俱傾改爲幕友宿舍民國十年以學宮迤西之馬王廟圯壞乃取其木石於優學堂西偏隙地北建審判處南建辦公廳優學堂東偏爲庖廚再東隙地數畝中有高阜可資遠眺蓋司爨者聚煤土其間積久成邱不復知歲月矣民國十一年張縣長敬顥飭役撤去積邱闢爲操場迤北廣植花木創設花園造亭鑿池以備游息最後建廳五楹爲會客室再東爲馬廐中有馬王廟三楹廟旁

榆次縣志

卷二

公廨

六

有井清雍正間知縣鄒雙建倉於其南今廢

縣丞宅 舊當思補堂之東東庫舍外明崇禎中丞汰宅亦廢後爲永益庫

主簿宅 舊當思補堂之西西庫舍外清順治初簿汰宅亦廢

典史宅 舊當思鳳樓之東東三曹舍外後移縣儀門之東清末裁其官改駐巡警管帶中華民國設警佐仍駐其地現改爲公安局

把總宅 在富戶街計房屋二十一間清末占警察所民國二年警察所移於典史宅遂於變賣官產案內售爲民有

外委宅 在東門街清宣統三年占勸學所中華民國七年勸學

所移北街功德祠乃以其地爲教育會十六年會長常贊春以歷年節餘經費併張縣長敬顥所勸助銀共四百二十元北建議場西庭移後撤去屏門勒石以記其事尋會事廢止重組教育協會亦未成立今占四街公立初級小學校

故察院公署 在縣署東明崇禎十五年夏毀於火清康熙二十七年知縣劉星以其址改建兩賢祠今爲縣立第一高級小學校

故按察分司署 在城隍廟東清乾隆十三年卽其址建義倉今已圯廢其地基由東街街公所代管

故布政分司署 在察院東城隍廟西今無考

榆次縣志

卷二

公廨 七

陰陽醫學僧道四術舍 在縣署大門東今廢

公所

公地公產義墳附

學宮 宋真宗咸平二年龔父爲令建文廟於縣治之西金大定中縣令楊伯元崇廟貌樹戟門元至大三年縣尹任德中修東西賢堂學諭石固爲之記至順二年縣尹侯洪復修規模增式廓焉明洪武宣德成化間知縣林昇曹顯宋信相繼修葺弘治九年教諭宇文鍾謀新學宮白於撫按乃屬布政司參議繆昌檄知縣南明繕事與鄉官任義孫昌共經畫之越二歲工竣中爲大成殿左右爲兩廡前爲戟門爲泮池南爲櫺星門東爲神廚西爲齋室又西爲文昌祠

萬歷時改啓聖祠

殿之旁爲祭器庫東南爲

儒學倉萬歷時廢又南為名宦鄉賢等祠又南為孟母祠殿後築明倫

堂屋宇宏敞南北各開戶牖東西兩壁大書忠孝節義四字相

傳為朱晦翁筆跡而歷朝科名碑亦在焉堂前東為依仁齋西

為游藝齋齋之南左曰禮門右曰義路明倫堂後為制書樓萬歷

時改敬一亭東西為號舍北為教諭宅東為訓導宅正德中知縣吳縉

增塑兩廡諸賢像而龕之世宗時易以木主嘉靖二十五年知

縣俞鸞以名宦鄉賢二祠迫近民居遷於戟門左右萬歷二十

九年知縣張鶴騰增修大殿及兩廡又於戟門東闢門改孟母

祠為延賓亭後廢三十二年知縣史記事以廟前逼近居民乃闢

地長十五丈闊三丈櫺星門外為門壁繚以石柱木柵壁外為

榆次縣志 卷二 公所 八

泮池後移泮池於櫺星門內池外為大坊表曰雲路天梯坊前影壁飾以琉

璃宏敞壯麗與新闢西門通提學周繼昌為文記之崇禎二年

知縣張任學重修學宮邑人御史張養以銀八百兩助其役於

敬一亭之北建尊經閣閣下為崇聖祠又改建文昌祠於明倫

堂左清順治十四年承明季兵燹之後垣宇圯壞知縣熊光裕

捐俸葺補邑人光祿卿桑芸撰碑焉康熙十二年教諭竇瑀又

於明倫堂東改建文昌祠上為魁星閣二十二年十月地震屋

宇多圯知縣劉星荆振日相繼修葺邑紳桑日知撰文刻石乾

隆元年知縣王有德倡議重修功未半而去七年知縣錢標繼

之工未竣復遷朔州牧十五年知縣錢之青繼續經畫始落成



焉邑紳王系合紀其事勒之碑嘉慶十五年邑紳士捐資重修並置水田三畝四分以其租金充洒掃費知縣楊棟秀勒碑記之道光二十四年光緒三十一年兩次修葺均有碑記中華民國八年俞縣長家驥復加修整並奉令改署廟前大坊表之文廟曰孔子廟而移懸文廟舊匾於戟門又價購甬道西之民間廢宅建臺植杏周環花牆且摹曲阜杏壇二篆製匾焉其殿後之明倫堂則略加修葺闢為洗心社依仁齋游藝齋敬一亭及教諭訓導各宅均因其地或改校舍或建教室惜乎工未竟而去劉縣長玉璣繼成其役屬常贊春為文記之文略云

中華民國五年紹興

俞公來尹榆次數政之暇瞻斯學宮憫其頽壞屬當道情殷講學乃易向之明倫堂為洗心社並葺其旁齋用資講習而廟廷內外堂廡門閤時以修治既閱且飭於廟右偏復象曲阜之制構亭

榆次縣志

卷二

公所 九

植杏榜曰杏壇九年東光劉公繼知縣事爰踵前緒以倣其成冀異殖殖聿先於前嗟夫前代學校既敝書院以興道藝虛談趨重祿利學校所以造士者雖替然諸生之釋菜鄉飲之引年歲舉於庠式禮莫愆百姓猶觀感而興起即至不肖者之滋斯亦且戢其悍戾而示馴良誦詩泮水飛鷄之食桑黜懷好音其風似距今未遠也今學校之制遠軼於前識時豪俊又日新其法向時學校洵不適當世之務廟廷興廢誰復關懷猶幸吾邑之得賢令尹暨邑人士經度有成來茲未知奚若則今之輪奐新崇者曷嘗非一時之盛也歟

考院 榆次地大物博人文蔚盛清乾嘉時應童子試者不下千  
人而考場無特設每試均於衙院舉行苦蓋蘆屋風日且不蔽  
士林苦之光緒五年邑富紳慨助鉅貲始於鳳鳴書院之良維  
購置地基營建舍宇內正廳五楹為威毅伯曾公生祠前為堂  
皇左右為號舍又前為儀門為大門為東西牌坊東南建奎樓  
以昭文象西偏連廈數十間繚以高垣規模宏闊屋宇深邃應  
試者無復湫溢暴露之苦矣平時由會政局經理五月廟會亦

設場於斯宣統二年之自治公所民國元年之國民分會二年之縣議會六年以後之公款局財務局財政局均假占焉

演武廳 舊在城西南隅明嘉靖二十一年知縣辛樂移置城西門外今已圯毀惟留官道東地二十畝官道西地二十四畝射圃亭 在學宮西明正德三年知縣蘇民建南北長四十四丈東西廣六丈六尺中築臺基圍九丈上建亭三楹今圯其遺址改闢實驗小學校體育場

採風亭 舊在城北邑厲壇東後廢不知其址民國十九年因拆去北門甕城地勢稍廓邑人士爲點綴風景起見於其隙地改建一亭復顏曰採風以紀念古蹟云

榆次縣志

卷二

公所

十

中山市場 在北關樹林街卽舊縣苗圃地也民國十九年因當地商務日見繁榮故另闢市場以便一般小商販營業云

社稷壇風雲雷雨山川壇邑厲壇先農壇 社稷壇在城西北半里許風雲雷雨山川壇在郭門外一里許邑厲壇在北關二童詞旁俱明洪武年建先農壇在城東南半里許清雍正六年建民國成立祀典廢由省變賣官產委員將其地基材料售資解省惟邑厲壇則以地方公款購得於七年設縣苗圃管理處今復改建市房焉

養濟院 舊在常樂寺西明洪武八年知縣張友政建嘉靖及清乾隆間屢經修補同治八年吳縣令師祁移置大西門外弔橋

西南常樂寺香火地內新建正廳及東西廡各五楹舊址則改建財神廟今縣立兩級女子小學校在焉

會政公局 在考院西光緒十年由五月廟會餘款購置清末之便民局民國二年之商會十四<sup>年</sup>之差徭局均假其地以辦公焉  
差徭局停車場 在城隍廟後街民國十九年由地方公款購置用以停放應差車輛者

冰窖 在東嶽廟前明萬曆間瘟疫大作有從付村寨溝崖下得冰者全活甚衆知縣趙昌運因飭民輸資於東嶽廟甬道之東近城垣處修冰窖且令城關十六鋪於隆冬時各鑿冰二十五塊存諸窖中冰夫一名年給工食銀四兩云

榆次縣志

卷二

公所 十一

農會 在縣城東北隅民國三年由地方公款購置十二年後之農桑分局十八年後之農務局二十年後之建設局均假占焉  
又農會門前有桑苗地原分東西兩段東一段計八分西一段計四畝中有水井一眼舊爲李姓地民國初年由縣農會先後以公款購得專植桑苗西段因開交通門中<sub>墊</sub>通車高道一條復分爲南北兩段云

又榆次公地除上述外計尚有(一)塞上村水地兩段一段計十畝一段計四畝小東關河沖地一段計六畝南關小西門外新渠水地一段計十畝近城村李家渠水地一段計三畝中畛地一段計十畝正西窰地一段計六畝均宗聖會所有現歸榆次縣公產保管委員會經營(二)郭門外南堰地共六段合計三十四畝又一段計一畝五分均財務局所購現歸建設局經營(三)南關郭門西城壕地六畝爲農桑局所有(四)南關杜家園地一段計四畝郭門外斜渠三角地一段計四畝北關陳柳樹地一段計二畝均爲財務局所有(五)關家墳地一段計十七畝五畛劉家墳地一段計八畝陡口地一段計六畝均爲宗聖會所有(六)小東關老虎地一段計二畝五分原爲鳳鳴書院所有後歸第一高小校經營(七)南關劉家畛地一段計一畝

為第一高小校所有(八)籍田地五畝城壕地二十畝零(據舊志)(九)北門道西地三十一畝八分(十)學田地十七頃八十一畝二分七釐五毫散在縣之四鄉凡四十餘處(據舊志)

義墳 (一)縣城北門外聖母廟後舊有漏澤園為葬埋旅櫬之所自正太路通園之附近建築市房塚墓之間藏垢納污殊於衛生有礙邑人趙鶴年商同地方人士以地方公款改建房院闢為通順巷並自捐城東北順道地十五畝作為義墳將園內多數旅櫬悉遷葬焉 (二)縣城大東關外有官窪地八畝卧佛道地十畝均係無主荒田民國十三年整理糧賦經東街街長田鈺等呈准縣署作為闔邑義地 (三)縣城大東關外陳柳樹地二畝本為趙姓地民國十九年縣財政局因傷兵死亡

榆次縣志

卷二 公所附義墳 十二

甚多爰以地方公款購得作為義墳自是傷兵死者悉葬此焉

(四)大東關八蜡廟地四畝為承審員夏縣張君玉澍於民國二十二年捐置曾自擬簡章呈請縣署備案簡章附後

凡在義塚內葬埋之屍身均須將地挖深至少以四尺為度封土宜堅固以免狼犬吞食至葬埋之起點由地之南頭東邊頭北脚南挨次排列一二三四五六七八九十順序以至地之南頭西邊復由東而西周而復始餘類推每塚距離以三尺寬為宜葬埋時報由大東關街公所由街長派人監督葬埋將死者姓名年齡籍貫衣服等件逐一登記於葬埋次序簿並於塚墓前豎立標誌以便屍親日後認領

又榆次義墳除上述外計尚有(一)大東關外正東一里許義塚計地二畝三分(二)大東關外東南一里許義塚計地八分五釐(三)大西關外正西一里許義塚計地二畝五分(四)大西關外西北一里許義塚計地一畝二分(據舊志)

省垣公產 附

榆次會館 原在省垣小袁家巷於民國二年冬間購得為留省

同鄉寄宿之用嗣於十六年售去別購東校尉營房院一所計  
 內外三進共廳房三十五間另立規章重新整頓今留省學友  
 會及石言雜誌編輯所均附設焉

晉陽文社 在省垣崔家巷二號清咸豐末代州崔鼇峯本邑副  
 貢王兆鵬聯合崞縣杜發寧武劉君解州郭君五人募款購定  
 以備五縣應考士子寄居以地既清淨且密邇貢院也同治八  
 年解縣經理身故契據盡失乃改立碑記並刊募款姓名於碑  
 陰榆次之款以聶店王氏捐助為多民國十九年崔鼇峯嗣孫  
 樹勳來省詢其處則已為土人侵佔於是約同常贊春代王氏  
 亟呈公安局以碑作證嗣更控於陽曲縣署復移地方法院久

榆次縣志

卷二 省垣公產附 十三

不解及五縣會議呈請省黨部省政府公安局立案於是五縣  
 公產始克爭回

榆次縣各機關名稱地址一覽表

機關名稱	所在地
榆次縣縣政府	縣城中央宋井州 守署舊址
財政局	考院曾公祠
教育局	任家巷文昌廟
郵政局	北大街小井巷口 北
電話局	電報局內
監獄署	縣署儀門西
田賦稽核處	縣署鄧侯祠

機關名稱	所在地
公安局	縣署儀門東
建設局	農會內
差徭局	考院西會政公局
電報局	北大街
軍用電報局	北關聖母廟
看守所	縣署儀門東南
徵收糧賦處	縣署東三曹

會政公局	考院西
商會	城隍廟街路南
第一高級小學校	縣署東鳳鳴書院舊址
實驗小學校	學宮
魏榆初級職業學校附屬兩級小學校	龍王廟
文廟圖書館	文廟齋室

教育會	北大街功德祠
農會	縣城東北角曹家花園舊址
兩級女子小學校	南寺街財神廟
魏榆初級職業學校	北關羊壕街
四街公立初級小學校	東門街外委宅
榆次產保管委員會	財政局內

倉廩

預備倉 一名常平倉明初置原在城外永樂三年知縣曹永中移縣治東建屋三十餘楹成化嘉靖間迭經修葺清雍正四年知縣張孫紘以舊有官亭三楹改建社倉後廢中華民國七年

榆次縣志

卷二

倉廩 十四

併入第一高等小學校去其殘毀改建教室

社倉 凡五處在城者一即常平倉內由官亭改建者是餘四處一在長甯鎮一在東陽鎮一在鳴謙鎮一在龍白村今併廢

義倉 凡六處在城者一即城隍廟東故按察分司署舊址清乾隆十三年建今廢餘五處一在鳴謙鎮借社倉儲之一在北田鎮一在張慶村一在八達村一在上黃彩俱借廟宇存儲並未建倉

坊表

縣署前東有明贈御史褚大全冢史坊西有少保尚書褚鈇開府中夏坊及祭酒閻樸大司成坊以日就圯壞均於中華民國七

年拆卸改立紀念碑於思鳳樓下舉人趙鶴年記其事

縣署東西舊有坊三一曰豸史坊為贈御史褚公大全立一曰開府中夏坊為尚書褚公鈇巡撫河南時立均建於明萬歷二十四年一曰大司成坊為祭酒閻公樸立建築年月無考民國初元縣議會因是項牌坊傾圮堪虞擬即代為拆卸于署前勒石紀念未及果行去夏霖雨兼旬牌坊坍塌愈甚邑侯俞公重申前議委託鶴年向兩姓後裔商妥由公家出貲代為拆卸將一切材料點交兩姓接收並將當年建坊原因暨此時拆卸理由勒石署側俾昔賢勳業永垂不朽云

舊志載縣治十三坊曰宣化曰善政曰育賢曰東民曰咸甯曰陽和曰仙桂曰時登曰咸熙曰普潤曰德惠曰市利曰迎恩久已圯毀又富戶街為太僕寺丞周楫之父周益立之敕贈坊與在城十鋪為周昌運立之孝義坊亦於民國初年先後拆卸今所存者為

(一) 聖諭坊

在縣署儀門內明天啓己丑年建清道光甲辰年重建題額為爾俸爾祿民膏民脂下民易虐上蒼難欺十六字

榆次縣志

卷二 城市攷坊表

十五

(二) 三世尚書坊

在思鳳樓東建於明萬歷二十五年純以石砌為贈尚書褚鏞褚大全及尚書褚鈇立

(三) 兩賢坊

在兩賢祠前

(四) 五岳行宮坊

在泰山廟街南口建築年月無考清道光三十年重建

(五) 文昌祠坊

在東門街

(六) 城隍廟坊

在城隍廟前東西對峙東曰保障西曰昭假明嘉靖四十年修清道光二十七年重修

(七) 文廟坊

東曰鍾英西曰毓秀南曰雲路天梯曰聖域賢關俱民國八年重修

(八) 文昌坊

在任家巷東口

(九) 節孝坊

在泰山廟街建於民國二年

(十) 節孝坊

在南關大街建於清嘉慶元年為南關四都十甲歲進士王詒妻要氏立

(十一) 貞壽坊

在南關沙港街建於清乾隆六年為百歲節婦郭馬氏立

(十二) 鄉貢進士郭曦坊

在南關大街建於明成化丙午年清同治八年及民國十二年由其族人釀資重修並匾其楹曰克修厥德

衢巷

榆次衢巷除北關新增各街外餘皆沿用舊名分隸於四街三關

茲列表如左

榆次縣城關衢巷表

四	東街	南街	西街	北街	南街	南關	大東關	小東關	關
	縣前街	西門街	龍王廟街	泰山廟街	南關大街	東街	東大街		
	城隍廟街	南寺街	任家巷	窯子上街	路家街	南街	白家巷		
	東門街	南大街	寇家巷	交通街	沙港街	西街	鄭家巷		

榆次縣志

卷二 城市攷衢巷

十六

	東地街	順城街	關廟巷	俞家牌樓街	閣東街	北街	郝家巷		
	城隍廟後街	南馬道街	西湖井巷	小井巷	閣西街		李家巷		
	馬號街	牛肉巷	北大街	抽斗巷	閣後街		趙家巷		
	富戶街	大乘寺街	北西順城街	北寺街	小西門街				
	鐵匠巷	壽長街	關北樹林街	新集街	張家巷				
	佛爺巷		關北西黃龍港	東湖井巷	曹家巷				
	三官廟巷		關北西道北街	北大街	小西關				
	中大街		關北西大街	關北東順城街					
			關北東黃龍港	通順巷					



關北	關北	關北	關北
羊壕街	東道北街	東大街	西大街

附記  
 城關舊十六鋪詳於鄉聚考民國八年為行政便利乃  
 分四街三關北關西大街路西屬西街路東屬北街西  
 關由甕城至大潼路路南屬南街路北屬西街  
 城內南北大街分隸於四街由富戶街口路東至小井  
 巷口屬東街由小井巷口至北城屬北街由北城路西  
 至西門街口屬西街由西門街口至南城折而北至富  
 戶街口屬南街  
 小西關屬南關